



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Genesis Enarratio

Chyträus, David

Vitebergæ

VD16 C 2625

Capvt XLIII.

urn:nbn:de:hbz:466:1-36126

Dei donum est: Sic uicissim nullus est hominum acer-
bior cruciatus in uita, quam qui oritur ex calamita-
te & sceleribus natorum, qualis in hoc loco dolor
Patriarchæ Iacob describitur.

C A P V T XLIII.

LOCI PRÆCIPVI.

I.

NON sunt pretextu diuinarum promissionum
Naccersenda mala non necessaria, sed utendum
est medijs à Deo ordinatis cum adsunt. Sicut Iacob
ad pellendam famem frumentum ex Ægypto adfer-
ri curat.

II.

In periculis inextricabilibus humano consilio
cum omnibus præsijs uisibilibus destituti sumus,
non frangamur animo, nec desperemus. Sed ex Deo
pendeamus, & tranquillis animis ab ipso auxilium
& defensionem expectemus. Nam si omnibus quæsi-
tis medijs, necesse est subire periculum, tunc aut mi-
rando modo nos Deus liberabit, aut faciet aliquid
melius, si fidem & spem non abijciemus. Sicut Mo-
ses

ses stans ad Mare rubrum, & destitutus omnibus medijs uisibilibus, clamat. Noli timere, state & uideate magnalia DOMINI, quæ facturus est hodie. Esaiæ 30. In silentio & spe erit fortitudo uestra. Sic hoc in loco Iacob inquit. Si sic necesse est, facite quod uultis.

Etsi autem magna est infirmitas animi in Iacob, Tamen scintillam fidei & spei ex Deo pendentis retinet, Et singuli suæ fidei languorem & imbecillitatem considerantes, hoc exemplo sanctissimi patriarchæ Iacob se consolentur, ac subinde clament, Credo Domine, sed opem ser diffidentia meæ. Item, Inuocote, quanquam languida & imbecilla fide, sed fide nomen. Item, Calamum quassatum non confringes, & linum fumigans non extinguēs.

III.

DE IUSTITIA ET æqualitate in contractibus.

Vult Deus in contractibus seruari æqualitatem, quam sancit iusticia commutatiua, propter tres causas.

1. Cum natura sic ordinata sit, ut singulis opus sit aliena ope, necessaria officia, & res commutanda sunt. Ac ut perpetua esse possit commutatio, necesse est æqualia pro æqualibus reddi.
2. Ut sit exercitium & uinculum mutuae dilectionis.

onis, ut dicitur, Diliges proximum tuum sicut te ipsum.

3. Vt agnoscamus DEVM, cum sit iustus, uerè equalem esse erga omnes equaliter se habentes, iuxta unam normam quam poposuit, nec acceptatorem esse personarum.

Has causas nunc quoq; cogitemus, cum historiam de equalitate mercis & precij, quam fratres Ioseph in Ægypto frumentum ementes efficiunt, legimus.

Pecuniam nunc eodem pondere reportauimus.

Olim usitatum fuit non numerare, sed appendere seu ponderare pecuniam. Vtebantur enim monetae aenea, cui libra ualebat quatuor numulos Lubecenses. Studiosi meminerint Plinij locum lib. 33. cap. 3. Populus Romanus ne argento quidem signato ante Pyrrhum Regem deuidium usus est. Libralis & dupondius appendebatur asis. Et adhuc expensa in rationibus dicuntur. Item, Impendia, dependere. Quin & militum stipendiorum, hoc est, Stipis ponderandae pensatores, Libripendes dicuntur: Qua consuetudine in his emptionibus, quae non mancipij sunt, etiam nunc libra interponitur. Seruius Rex primus signauit as. Signatum est nota pecudum, unde & pecunia adpellata.

IIII.

φιλοσοφία Ioseph erga fratres, imago est ardentis

dentis amoris Christi erga nos suos fratres. Ut lohan. 20. dicitur. Ascendo ad patrem meum & ad patrem uestrum. Secundo monet in Heroicis uiris sapientia esse expressissimas, & refutat deliramenta Stoica, quod in sapientem non cadat misericordia. Tertio monet de amore æterni Patris erga Filium, & erga nos.

TEXTVS.

Resine) Omnis uiscidus & lentus humor ex arboribus destillans, & in arboribus residens picea præsertim naturæ & qui igne accenditur, Resina uocatur. Hoc loco Ebræam uocem ZOR interpretantur guttam Balsami.

Storacis uertunt in genere Aromata.

Styrax est lachryma arboris similis malo cotoneæ.

Dioscori cap. 68. lib 1.

Stacte) pinguis & preciosissimus succus qui ex recenti Myrrha sponte destillat. Item, Pinguis do recentis Myrrhæ organo expressa, à sc̄is stillo.

Terebinti) nobis incognita arbor, fert resinam, quæ astringit & prohibet putredinem.

Terpentin, quæ hodie passim utimur, est piceæ et Tede resina.

Alibi uertunt Dactylos, Alij nuces pineas.

Ebræorum uocabulorum propriæ significationes ipsis etiam Iudæis incognitæ sunt.

CAPVT